

北京圖書館出版

清末時事新集選

第三冊



(清末)時事采新彙選

第三冊

北京圖書館出版社

時事采新策選

光緒二十七年七月

光緒二十八年七月二十一日

兵部太常寺太僕寺廂黃旗值日兵部引 見

十五名太常寺六名太僕寺四名咸安宮三名廂白

滿十九名正藍蒙六名廂藍漢九名 醇王等驗放

官缺覆 命 錫公等由口外賜奠回京請

安 濤貝勒由 東陵回京請 安 有泰

假滿請 安 明安續假五日 英信請假十日

松毓謝交軍機處存記 恩

召見軍機 有泰

七月分缺單 知縣四川什邡楊靄春近隆昌馬鏞

病永甯楊昱湖北房縣滕椿山西孟縣張立仁俱革

諭旨錄恭 光緒二十八年七月二十一日

洪洞張志曾丁浙江浦江蕭漢儒丁 巡檢順天宛

平洪恩故湖北蕪水嚴寶齡革嘉魚凌潮革 典史

湖北武昌崔潤森革天門劉光宇革

還津真愧辭 錄七月七日第十日每閱報八則

聞天津之還不能不喜然聞天津之還不能不愧一物也

已失之而復得之不喜是無人情一物也得失之權在人

不在我不愧是無人心吾嘗謂中國今日於土地得失關

係雖大而於內政得失關係尤重焉內政與土地雖失而

可復得內政不興土地雖得而亦必復失天津不還中國

無不憤憤天津既還忍憤憤者復泄泄矣嗟嗟矣不能善

治於收地以後其為中國之例病乎各國之交還津地也

臚列多款大要不外與中國分治權分利權遷延時日操

縱自如中國不能奪其權於未還之先不得不分其權於

既還以後此亦時會使然究之盡委時會而不追究其原

則事采新彙選 第五卷 一 至前七月廿一日刊

來今日得之他日失之又意中事也津報之載交還津地

之各善後辦法也若何派局員管轄若何派局員接收文

件若何移交官署若何建造皆為應辦之事宜而有一最

不可解者有紳富公議製備萬民傘納送各都統並有某

洋行華人首先創議謂應任地方官卸任例有挽留之舉

今各都憲將行撤署我輩亦宜公稟挽留以表我津民感

戴等語夫出此語者其心在中國乎其心在他國乎吾不

得而知之天津者中國之地也他國占之我歎於彼彼歎

於我不辯自明也都統者占我天津之人也宜留之宜遣

之不辯自明也天津何以有都統蓋其占之也都統何以

占天津驅十萬聯國之兵將以滅我者揮涕而不忍使之

去把酒而堅請其再來無是理也夫彼還天津應有慚色蓋還之是則占之非也我受天津應有恥心恥之維何必於善後事宜一一恢復之盜賊宜治也匪徒宜靖也吏胥無擾警察宜嚴也法律無偏保衛宜公也凡都署已行之善政可踵而行之凡都署已訂之章程可酌而效之整齊畫一毋落他人之後焉可也此所謂知恥近乎勇至於紳富者昔日不縱匪則何致召洋兵之來逾洋兵既來昔日仇洋之心轉變為附洋之舉何其無恥哉某洋行華人者度亦不過諺所謂洋奴耳其心無中國已久嘗見掛洋旗附洋股者往往藉洋人之勢力挾制華官欺侮華民其見華人也不怒目即厲聲暴戾之態恣睢之形輒令人以難

時事新報選錄第五卷

一 壬寅七月廿一日

堪其如天津某華人會同紳富製造萬民傘以送外人者比比皆是矣會何天津某華人一事之足責哉獨是還津一事可喜而實可愧將來交還之日在野王亦不過道勞在都統亦富言抱歉此外別無所謂贈遺禮節也稱謝公文也假使視此為慶賀之事浸假而宴會浸假而演戲粉飾太平歌功頌德其或有輯睦邦交中外一家等語則又視製萬民傘之舉動不殊矣故必待內政之情形何如而後定還地後之情形何如也一國之存亡視乎人心之向背吾甚願我國之人心不忘中國則幸矣

還津事宜彙述

天津交還一節聞袁宮保初六入都請訓初十日至津門

欽使隨親王同至本埠紳商已備衣冠相迎交還後一切稅務應由稅務司德璣琳君管理其房舖車船各捐則由天津道張毓渠觀察督辦並聞稅務司尚擬併入稅關徵收故此議刻尚未定

津地歸華官辦理凡一切詞訟當由天津縣料理縣尊章

大令擬於初八日放告之期准民間投遞各項呈狀

警捕事宜已派前海軍都司曹君公祥並聘英武官某幫

同辦理因有印捕之故並有向在香港辦理捕務之華人

王君經年為總捕云

都署各項事務自八月四號即華七月初二日起陸續交

中國委員至十五日為止已由各公使照會中國政府

時事新報選錄第五卷

三 壬寅七月廿一日

聞都統等已議定於禮拜一即初一日會集各部局長與

協運司天津道海關道巡捕府縣各官陪訂交收各要件

並延署外之稅務司會議

運司公署臨時業經拆毀聞運司轉借民房為公館權且

起津銀庫以重庫儲一俟稟准督帥再行請動公款建造

衙門

交還後聞天津道管房舖各捐大小車輛捐款則由工程

局主之船捐仍由工部關照舊徵收

巡捕官譔克魯君已傳集所屬各華捕一律呈繳槍械其

佩槍刺亦於昨日呈交到官現在市上梭巡惟手持馬鞭

或徒手

都署以交還之日所有頒發示諭曉諭津民有十一日始行粘貼之說

英法德義公使交還公文遲遲之故論者均所不解今聞日本公使照覆後外務部向法使署述及立即電請政府核覆法政府公然不認嗣經德國明告以各國各無異議復經電商始允云

府縣各吏役以交還之日均紛紛集議而地保等亦漸漸出頭向商民人等索取規費甚望督有司有以誠之欽差醇親王十二或十三日方可來津

還津近情彙述

日前各都統延見司道府縣各官會議交按事宜是日楊

時事彙報第五卷

四

壬寅七月廿一日刊

藝芳都轉唐少川張疏渠兩觀察及巡捕官曹都戎嘉祥率同府縣各官同來與各都統相見通譯人爲田貝西郡兩君嗣由都統分致交還說帖一計九條乃各分散又聞十二日即西八月十號交還之日醇親王袁宮保訂於五點鐘親到都署送別各都帥于六點鐘辭行各路聯軍于鐵橋彙齊各奏軍樂退至租界尉紫曹都戎嘉祥辦理天津警捕章程擬劃津地爲五區一城廂爲總局南北東西各設一局各局設捕長副捕長一均係從前水師人員熟悉語嫻西操各捕每月餉十元不准營私索賄違章卽以軍法從事云各都統接見司道府縣各官並分致說帖已志前報茲聞其章程各條大略一表都統深願交還之意

一警巡兵須小隊入境並不得各執軍械一十四號以前華官不得干預一切地方事件一自十二號起准各華官親至各部局查看一切公牘一各段各局華官應派何人接替日期開列銜名照會一庫務司餘款分付銀行掣取收據留待華官動用

又聞已定苦工罪名之人犯一百六十人悉行交與英工部局管理俟限期屆滿再由英領事官分別查放交還之日聞各局所用一切家具無論鉅細均具清單一律交付華官收管不似中國官場交代備抵款項也聞天津縣章大令權借浙江會館辦公並以星盛當舖之屋爲監獄已布置妥貼

時事彙報第五卷

五

壬寅七月廿一日刊

交還天津定十二日午刻所有一切之事俱先由司道府縣接洽至欽差醇親王與直督袁宮保卽於十二日來津交收天津覆文

各國交還天津條款照會已志上月二十四日本報惟各國所索各款其中尙有必須聲明之處外務部並非含糊照允也茲將外務部照覆各國欽使文錄後

爲照覆事光緒二十六年六月初十日接准照稱天津城及天津一帶地方交還直督自治本大臣與在天津都統衙門派有官員之各國大臣意見相同經奉本國國家特予權柄應允將都統衙門裁撤惟中國國家先應特爲聲明允照所辦各節辦理自應允各節之後又到日起計算

四個禮拜內將天津都統衙門裁撤應請指明屆時都統衙門應將天津城并天津一帶地方各事交與何項官員手內接收等因此次交還天津地方各國大臣信義相孚克敦睦誼良深感佩本爵大臣詳閱來照內有順京至通海道應設各軍隊之管帶官所得彈壓治罪之權延至距鐵路兩旁二英里之遠一節係按照光緒二十七年六月間前領衙葛大臣照會全權大臣文內專指有犯鐵路或電線或聯軍人及物產而言即應照此辦理其餘各節本爵大臣亦無異議業于本月十三日具奏奉 旨照准應請貴大臣轉行住津都統衙門于四個禮拜內將都統衙門裁撤即將天津城及天津一帶地方交還中國自治屆時事采新彙選第五卷

六 壬寅七月廿一日

還津善後詳志

天津都署交收情形探聞潯先由中國派大小員弁二十八名於初五日起都署至十二日定行一切交收各事至醇邸並袁慰帥兩王大臣定於十二日抵津各都統擬率華捕一隊至火車站迎迓兩王大臣擬先到都署巡閱一週然後歸轅復於是日申刻再到都署辦理一切交收事務至酉刻各都統到轅辭行後即將都署交過同時所有

天津內外各國巡捕總署排隊恭辭然後歸界內另撥派天津城內之各國公使將官共四十八名戎服佩刀至火車站迎接兩王大臣

還津以後聞袁宮保除飭天津設立緝局遴派州縣四人幫同審案外另設一巡捕局一水路巡捕局一善後局一洋務局巡捕則曹君嘉祥主之水路巡捕局則延聘德國水師武官陸次君善後局則運司關津兩道洋務局則蔡述堂直收

天津地面交還有一切交替事宜業由都統分致說帖准即開列銜名入署查視各局要公以資諳習聞已訂期由袁宮保派定人員分詣各司中外交人員詳細指授庫

時事采新彙選第五卷

七 壬寅七月廿一日

務司所管各項捐稅分應新關稅務司德瑞琳君主辦惟德瑞琳君尚未奉到總稅務司赫德稅使明文能否如期交接尚無確信或謂袁宮保已派照收委員梁太守如浩接辦或謂戎普君並各華人均留三月以資熟手尚無定說

商論內港行輪電文

劉宮太保六月廿二日致呂盛二大臣電文一通照錄於下
小輪行駛內河名為洋商實皆華商不過雇一流氓洋人代為頂名平時不過搭客或拖帶搭客民船惟欲闖關越卡漏免稅釐始有包攬貨船為拖帶闖過關卡自准小輪

行駛以來閩關卡礙民船滋生事端不一而足本署案已
彙彙皆有實事可証前馬大臣至甯正值美商小輪在場
滋事會令局員詳告小輪多係華商托洋人出名水手人
等又恃勢橫行喧鬧事洋商洋官又多方庇護致辦理掣
肘民怨日深不獨碍中國政治亦非使華洋商民彼此相
安之道將來議約必須妥籌防範庶地方商務兩有裨益
馬大臣深以為然且謂初次至華未悉此等情事今承告
知必當妥籌今議章轉行大為推廣更無範圍且意在允
後即為定案其隱情已可概見況現在中國并未全國開
通則水路行船仍應照約辦理不能毫無限制查洋商照
約祇能由口岸運洋貨入內地并由內地辦土貨至口岸
時事采輯彙選第五卷 入 壬寅七月廿一日刊

章總之洋商辦土貨本令華人前往即售洋貨亦從無洋
商自運入內地銷售者小輪又多係華商託名洋人更與
正經貿易之商人毫無利益年來內地已因民教不洽繁
費保護調停近因小輪恃勢橫行民多積怨論通商正辦
必當先使華洋商民輯洽然後貿易事可以興旺於商務
可獲實益若為流氓洋商多收包攬之費致使中外商民
猜忌日深實於正經洋商貿易轉多窒碍亦非計之得者
不僅中國過於受損不能允也擬章非照上意大加刪改
不能商議坤

劉宮太保六月廿三日又致呂盛二大臣電文一通
續錄于下

時事采輯彙選第五卷 九 壬寅七月廿一日刊
小輪事於碼電詳復接鄂發兩會效電詢係九江至
殷匯三線齊阻至今不通由郵寄故遲今始到內河行輪
本係予以約外利益廿四年先後定章定有限制祇准由
口岸至內地並由所至內地回口岸並非准其內地到處
任意行駛既有定章在先誠難翻異第事本約外通融官
民已受累不淺若再不抱定原限受累更無底止無論如
何要挾必當萬變不離其宗斷不能於原章限制稍有放
鬆此事與正經貿易之英商實無利益徒使中國受無窮
之害不知馬使何以要求及此即赫議廿四條內亦謂小
輪章關繫不小惟所云察看各省損益隨地議定亦非妥
善辦法事不可行又不能以公道之價租得棧房准其租

地自造此亦萬萬不可蓋租賃民房租價高下雖同在一處亦難有定我以爲公彼謂不公必欲自建即難阻止若小輪到處可以行駛所至內地又可建造棧房直是水鄉各處即與全行開通無異煙台約沿江六處上下大輪之貨尙不難其設棧豈有內地小輪運貨轉許建棧之理況小輪從無裝運貨物即拖帶貨船亦復罕有之事此其意實不在儲貨乏棧直注意在到處開通使我不獲開通之益實受暗爲通之累如彼必欲議立此款必當切實聲明祇准由口岸至內地並由該內地處回口岸斷不能由此內地至彼內地任意行駛並不准自建棧房此爲扼要之著至口岸一節中國通商始於道光年間江寧條約第五

時事采新彙選第五卷

十 壬寅七月廿一日刊

二款載明上海等五處港口貿易通商此爲關口之始通商之處所以名口岸者以其在口岸之濱岸地方便於泊船貨物上下也天津約雖有城口岸字樣城口岸既不能作爲城內大凡通商之區多係近有城邑所謂城口岸係城外之口之謂亦指買賣往來而言至於聽便居住賃屋租地等事本款下文即載明悉照已通商五口無異無論英文如何第既與五口無異是仍祇能在港口居住貿易尤爲鐵板注腳是以煙臺約第三端第二節載明新舊各口岸除已定有各國租界應毋庸議其租界未定各處應會商各國將洋人居住處劃定界址云云中國已開新舊各口岸租界無論已定未定而通商之區要均在江河濱岸之地

照煙臺約已劃定者固無庸議未劃定者亦不過將居住地段廣狹酌量商定而已至馬關約第九款第一節所云添設口岸均照向開通商海口或向開內地鎮市一體辦理此指馬關約索添各口應照已開各口辦理而言日本商約第四款已開及日後約開各口岸城鎮往來賃房租地居住商業工藝製作均照現在及將來給與最優待之國臣民一律無異亦係指照無口辦法而言是以添開之四口亦均在濱江臨河之處仍照各口一律辦理並無別有優異足見城鎮鎮市等字皆屬泛指設警專重在一律無異四字故商約解者謂日約以西要爲本比英美等約字句雖有不同施行要歸一律西人應得之利益日本無

時事采新彙選第五卷

十一 壬寅七月廿一日刊

不從同西人未得之利益日本亦未嘗特異各省解說當知此意云云今馬使議款雖於城鎮等字藏而不露然照所議不獨未定租界之處將來會定必致于城內外任意擴充即可定之處欲爲翻異亦可執後約爭擴勢必將口岸繁盛之處爲其併入界內於口岸事權利權稍失銷場之稅亦無可抽收此實萬不可允前歲江甯英領事即執城口二字強欲在城內租界通商並謂係奉公使之命執約力駁因城外荒涼無屋可租准領事曾在城內通融租住商民仍照約在江邊通商今馬又執此相爭其意可知彼必如欲立款祇能照煙臺約聲明已定有租界者無庸議未定有界限者仿已定辦法量商務衰旺酌定廣狹會

商界址庶得援已定之辦法範未定之界限不致將城鎮一併涉此亦爲至要關鍵未可稍有退讓者加稅以免釐相抵並非別有利益不能與稅釐毫無干涉之事因此牽連使我受虧實非下私所敢出此惟在鏡杏翁有以力折其非外部主持於內大局幸甚坤漾

光緒二十八年七月二十二日

刑部都察院大理寺正黃旗值日無引 見

崑中堂假滿請 安 直隸提督馬玉崑到京請

安 山東儘先卽補知府蕭鳳文謝 恩 文年

請假十日 李兆珍預備 召見

召見軍機 崑中堂 馬玉崑 李兆珍

上諭本日召見之知府用候補直隸州知州直隸清苑縣知縣李兆珍著以知府在任候補並交軍機處存記欽此

上諭大學士崑岡加恩著開去對引大臣欽此

上諭貴恒著派充對引大臣欽此

諭旨恭錄

光緒二十八年七月二十二日

論中國人乏國家思想之原因

錄七月十日同文週報

今夫國之所以能立者必賴其國民咸有國家之思想也若億兆人億兆心視國家若非有切己之關繫者則其國家又烏能樹立哉物必先腐而後蟲生國必自伐而後人伐使國民咸能團結一氣不至各立門戶各存意見則異族又孰得而憑陵之即有異族處於憑陵我有同心同德之億兆人亦無難合羣策羣力以拒之中國非所稱四千年來之帝國乎其民之服君之教畏君之威早經有素以故君有權而民無權民第安於不雕不琢而常爲無懷葛天之民已耳君則操賞罰之柄凡民間有謀爲不軌作奸犯科者君得而懲儆之君之權重民之命輕君民之間若

時事采新彙選

第五卷

壬寅七月廿二日刊

雲泥之分隔而相去懸遠民之視君遂不啻對帝天矣然而華封三祝堯之民何其愛君之甚也沛父老留飲漢之民又何其與君之親也是非君樂與民近而民又烏敢與君近哉後之人君如禹之有己溺之心如文王之視民有如傷之意者曾不多見然而國朝定鼎以還二百數十年於茲矣薄賦輕徭從未有累民之舉遇有水旱偏災仍莫不立卽頒給內帑賑濟災黎一面仍自命各省查明災區之多寡刊印謄黃准予豁免錢糧子惠黎元無微不至信可謂深仁厚澤矣然而民不知感也試問有以國事爲慮者乎曰無有也有以國事爲可恥而中宵起舞如渡江擊楫者乎曰無有也執途人而問之曰汝爲中國人否曰是

也然我特自食其力耳凡茲衣者食者皆我艱難風雨而來也吾爲士吾知讀書吾爲農吾知耕作吾爲工商買吾知製造吾知經營販運不知其他也吾有田吾知完糧吾有貨物吾知逢關報稅遇卡完釐不爲竊不爲盜爲本分之良民吾之魂夢俱安而有天然之樂矣即或某處有亂事苟去吾家尙遠吾無慮也故天下太平吾則安居樂業天下多事吾則一艇妻孥愔然遠適別尋桃源有不必鬱鬱久居此者如避震之粵匪之亂斯可耳而處今日之時勢則更有避亂之妙法如預掛洋旗預習洋教預入洋籍臨亂皆可以免死而且得所保護矣復何患哉復何患哉嗟乎是何其無國家之思想也委國家之事於彼食肉者

時事采新彙選

第五卷

二

壬寅七月廿二日刊

以爲食肉者自有當盡之責而於己固有絕不相關者是豈皆自外生成而具有特別之性質乎美總統之被刺也謂該國之有無君黨也中國向無此等之事誠然然弑君之事雖在歐洲各國時有所聞而其國民之有國家之思想曾不少減說者謂歐洲人既有國家之思想而何以有弑君之事則詰之曰中國無弑君之事而何以比年以來國事如此其日亟而國民咸漠視之甘爲外人之犬馬甘爲外人之奴隸而並無國家思想乎吾嘗終日不食終夜不寢而思其所以然矣中國之君賢君也中國之民良民也中國之官非有國家思想之官也官無國家思想而欲民有國家之思想乎夫官之責任安在曰保國家也曰撫

斯民也君曰君上民曰下民官爲承上接下之人則應使君民上下之情相通而不至有所隔闕乃賑款則或被侵蝕實惠不及于民閭閻之困苦難言繪圖或多粉飾嗚呼君有痼瘼在抱之心而民弗知也民有轉死溝壑之慮而君弗知也民若無君君若忘其民者中有官阻塞之也官知律例曰爾小民若犯罪戾吾將按律懲辦而官不能養民教民或致民犯罪戾者吾未知官亦能免于罪戾否按律應如何辦法民爲邦本固邦審朝廷以民付託于官曰爾俸爾祿民膏民脂官不能仰體朝廷愛民之心是不但無以對朝廷亦且無以對黎庶聲威憤懣僕從如雲民知爲官也高坐堂皇南面聽訟民知爲官也差役下鄉尊

民事采新彙選 第五卷

三 千寅七月廿二日

之曰天差民知爲官之所派也一切有任其敲詐任其騷擾而莫敢如何者而猶必多方曲爲敷衍以冀其回署稟官時善爲之辭蓋慮其憑空誣陷致觸官之怒則小民之罪將更不可勝誅矣故諺有氣死不告狀之語豈激論哉近數年來民教相涉案件官不能持平辦理民有自恨不入教而已地方土匪作亂官不能彈壓設法解散致令星火燎原省憲迅調大軍雲集興師動衆跳梁小丑無難一鼓蕩平第殺一土匪恐一土匪又起以爲地方官無愛惜民命之心爲匪固死爲良民亦不免於波及蓋官之恃有大軍可以勦辦遂不免於任意虐待斯民而俯視一切以爲民固無能爲也此各處土匪之所以接踵而起也此所

以民心日益渙散也嘗游新加坡檳香山各埠矣各該處華民不下千萬戶大抵僑寓有年即以猶有故國之思乎則莫不曰航海而來茲土不過爲經商計使吾國家而能保護一切俾官吏不至有訛索情事吾輩亦將摒帶以歸矣而豈好勞乎非然者則願常作他鄉之客矣是可見向之出洋貿易久之不復返者實爲官吏之所逼迫非必忍忘父母之邦也龍旗一幅招展風前於中國兵艦之至各該埠者凡屬華民皆莫不爭覩爲快而愛護同珍以爲是我中國之徽章也中國國民之在外洋者則亦能聯絡一氣中國派員至各該埠募捐者則無不立得鉅款華民之在外洋蓄積之厚亦可想見而華民之在外洋仍懷宗國

時事采新彙選 第五卷

四 千寅七月廿二日

之心亦可知矣在外洋經商者尙未嘗無國家之思想又孰謂中國人原無國家之思想乎其所以使乏國家之思想者蓋官是也然則整頓吏治其即所以固結國民之心與顧整頓吏治之道安在曰嚴懲貪吏嚴懲擅威作福不恤民命之吏大抵民怨官因之怨國以爲官乃國家之所設國家設官不能安民而反擾民九重甚遠呼籲不之聞也於是迫而爲自由之思想民權之思想以爲可以不受一切壓制與一切欺陵是故中國之官即中國人乏國家思想之原因也有國家者可不知之乎

貴私篇 錄千寅六月朔日二十一期選報三則

詹言

世界之大古今之遠政治學術之進退優劣強弱之勝敗

形形色色生生滅滅其現象於歷史之事實結想於學界之理論者可以兩言蔽之則公私而已矣之兩言者自其表面觀之如冰炭之質之不相容如東西之位之不相易顯然爲對待之名詞也自其裏面觀之公之中常有私焉私之中常有公焉又隱然有密接之關係也雖然兩者果平等而無階級乎抑將統於一尊而以其一者爲附庸乎公美名也私惡名也賤私而貴公者天下之恒言也是故理曰公理德曰公德民曰公民論曰公論碩學鉅子固將屏私之名而力闢之賤儒鄙夫亦將惡私之名而曲避之私如其可賤公如其可貴也雖然第曰公焉而已而遂可以得公之效吾未敢知第曰公焉而已而遂可以盡

時事采新彙選 第五卷

壬寅七月廿二日刊

公之量吾未敢知吾謂人而不知公理不修公德不爲公民不求合於公論則已藉曰欲之則未有不自先營其私始且夫公之名亦至無限制矣侈然號於衆曰吾固以公爲宗旨者也然則必將求利一國而後可求利一種而後可求利全球而後可且必將舉飛者躍者動者植者微末而不可見者冥頑而無所知者耳目之所及思慮之所到皆珍之惜之保護之扶持之使各得其所而後於公之名爲無愧也吾有以知其必不能也於是爲之界說曰保種而已更爲之界說曰保國而已夫對於一身一家則保種保國不可謂非公對於異種對於列國則吾所謂種也國也

猶未免乎私之見也是故以公爲宗旨而求達其目的者雖自茲以往千數百年吾決其無達之一日也故公之爲言也由私之說而引伸之者也未有舍私而可以言公者也

請言私之理荒古之民肝肝而起既得醉飽則蟋然臥嬖倪之子呱呱而泣予以飲食則欣然止生人之初自私之外一無所知也若是者非其性之惡也等官骸同知覺而我所用者我之耳目手足我所知者我之痛癢疾苦人之不能代我猶我之不能代人也慈母之於子順妻之於夫喫啖而提挈左右而扶翼而之所以爲其子若夫謀者終不若其自謀之爲健是則有生以來固已具自私之特

時事采新彙選 第五卷

壬寅七月廿二日刊

質矣是故貴而君相賤而臧獲文而黃白野而櫻黑靡不先自愛其身者其愛之也其私之也匪特束縛於名韁出沒於利藪沾沾然爲一身謀者之爲私也彼夫倡兼愛之義推合羣之旨摩頂放踵殺身成仁一若大公而無私矣而究其所以不惜脣焦筆禿血枯顛碎者則欲達其所持之主義而已然則不謂之私不可也此非刻深之言木之有本水之有源不可誣也孔子知自私者之必愛其名也於是嚴亂臣賊子之誅而人知所懼基督知自私之必希其福也於是創天堂地獄之說而人知所趨是二教者其指殊而其本人人自私之心引之使至於道則一也今試問天下之大其有能出斯一之範圍者乎不爲利則爲名

否則求他日之幸福與免屋漏之詆責者也然則無論其
汝汝然與草木同腐其赫赫然與日月爭光也舉無所逃
於自私之一說也

論言私之用吾之始祖爲貉爲獠雖不可知其無以大異
於禽獸則百數年來之學說無以難之也然卒能與萬物
相角以自存於物競天擇之界者何曰惟善用其私故是
故知散處僻居之不足以自固也於是乎而宮室而城郭
知孤立無援之不足以禦侮也於是乎而部落而國家經
之營之增之益之皆由私而漸至於公其不得不出於公
者非是則無以保其私也合羣愈大統率者出焉其人而
善用其私也則將以惻隱之心行慈祥之政其子若孫克
時事采新彙選第五卷

七 壬寅七月廿二日附

由斯義雖數十世保其私位可也其人而不善用其私也
以爲吾既弋大位而居之雖惟吾所欲爲天下無如我何
也則將肆其威福恣其凌虐幸者一再傳而亡或則及身
而被僇辱矣誠私者體也公者用也善其用則可以保守
此體增長此體否則欲求所以自私而反以遂他人之私
嗚呼吾中國數千年之歷史蓋盡於是矣且匪獨吾中國
爲然也今日進化之種文明之國其所講商戰之術殖民
之策民族帝國之主義駸駸乎有包舉六合囊括四宇之
象者則何一而非從自私其國自私其種來也亦視所用
之善否已耳故夫私之爲用可分三種斬新然謀一人一
家之利彼此不相顧利害不相恤如是者自私之最下者

也操是術者其國必早亡其種必早滅交際之往來有信
義上下之聯絡有禮節雖其心未必誠其情未必摯其政
府不必眞愛民其國民不必眞忠國而常能假公濟私以
各求其所以自立如是者雖未盡用私之術而竊夫閉關
自守亦足以偷安無事然與一善用其私者遇則其勢有
不得不敗者矣立憲法建議院置政府設裁判所一國之
事必合一國之全力謀之如是者以大公爲私若曰爲一
國之私事而不與吾一國之私人謀之將失乎各遂其私
之義也是故重自由者所以保其私之實也尊強權者所
以求其私之效也嗚呼過此以往自私之術或將日新月
異而未有已而自今日言之則誠可謂適用私之極點者
時事采新彙選第五卷

八 壬寅七月廿二日附

矣
或曰吾中國之積弱正坐自私改耳若政府若官吏若士
夫若農氓若工若商無一人不壞於自私矣子更以私聒
之是飲積毒者以酖也烏在其可也曰否吾國安知所謂
私哉政府官吏而知自私則必將定憲法與天下更始而
後可以長私此政府也士夫而知自私則必將精究諸學
討論萬法勿爲古人之奴隸勿沿學派之積習而後可以
長私此士夫也農氓工商而知自私則必將墾藝墾者生
計合羣力以收公益而後足與外人抵制以長私此農氓
工商也今吾國之所謂自私者自全體論之猶不失所謂
假公濟私者自個人論之則直所謂彼此不相顧利害不

相恤操自私之最下策者而慮吾中國之自私也危哉吾中國之自私也

私是觀之私之心不能免也私之名無可諱也以私之心行私之事理之至順而無待他求者也今之申天演之旨推物競之波者自私之學說也今之暢帝國之義行壓制之術者自私之手段也不善用其私則將弱於私亡於私殄滅於私將欲求逞其私而有所不得善用其私則將強於私興於私發達於私將欲稍遏其私而有所不能嗚呼猶是私有之官骸私有之知覺私有之社會私有之國家私有之種族乃獨任人暢其用私之宗旨達其用私之目的而我卒無以應之也吾以是不能無望於我私人也

時事采新彙選 第五卷

九 壬寅七月廿二日刊

女學萌芽

太后意欲選王公家中女子十餘人在宮內設立女學館聘請通達中西文字女師爲教習以三年畢業因與各公使夫人情意甚洽不時有宴會之舉必須備用女通事始足以達情意也

榮壽周倫公主近來頗擬學習英文已託某觀察延聘女教習然該女教師必須天足方爲合格故一時頗難其選杭省耶穌教會中歷來創設之育英惠蘭等書院培植人材幾難數計前有英女學士在蕭義巷內設立女塾近又另編女學教科讀本等書傳習添備齋房分等啟授現如大家園秀每多往習亦可見浙省風氣之開也

請廢科舉

聞學督陶制軍前月奏覆大學堂事宜指內曾附論科舉不廢學堂必不能大興請選廢科舉俾學者出於一途如不能則裁減中額及各邑學額又不能則先裁汰府學將學宮齋舍學田等一概並歸中學堂經理云云

大哉制軍之言也吾國學業之衰人材之靡則皆科舉貽之害矣積重難返莫知其非科舉不廢雖條例數更庸有濟乎嗚呼言雖未用其言大矣

時事采新彙選 第五卷

十 壬寅七月廿二日刊

光緒二十八年七月二十三日

工部鴻臚寺正白旗值日宗人府引 見十八名

太常寺一名廂黃蒙十七名內務府十九名 崑中

堂謝開去對引大臣 恩 貴恒謝充對引大臣

恩 李兆珍謝交軍機處存記 恩 賴清鍵同

候 召見 灃深因伊姪以侍衛用謝 恩 豐

仲泰假滿請 安並請 訓 錫公請假十日

廣忠遞遺摺 吏部奏派驗看月官 派出崇中

堂松祥葛寶華朱祖謀李紱藻桂春唐景崇岳陳緒

成博王金銘富亮承平王祖同文環左紹佐陳嘉言

召見軍機 豐仲泰 賴清鍵

諭旨恭錄 光緒二十八年七月二十三日

皇太后 皇上明日屏膳辦事後至南海駐蹕

軍機大臣而奉 諭旨本月二十四日進內奏事當差執事之王公文武大

小官員均着穿蟒袍補褂欽此

上諭三品銜道員用工部候補郎中姚廣韶着以道員即

選並賞加二品頂戴欽此

上諭雲南糧儲道員缺着陳燦補授欽此

上諭正黃旗漢軍都統廣忠由協尉薦升都統宣力有年

無曠厥職茲聞溢逝軫惜殊深加恩着照都統例賜卹

任內一切處分悉予開復應得卹典該衙門查例具奏

伊子禮部員外郎常順着以郎中即補欽此

廣西軍電九則 續七 八 明日至望日代報

昨又抄得廣東委員顧守由南甯呈粵省電一道係六月初一日所發最近消息也

藩臬糧道善後局憲鈞鑒郎中剏河竄匪卑府會同恩恩

杜守督飭搜捕念五接黃鍾忠立十六報稱初八據忻城

土縣報稱我首匪韋八勾結百旺匪首侯五竄擾請兵剿

辦當派隊助剿將匪擊散初九日匪竄大塘待險死守我

軍跟蹤追剿鏖戰竟日營勇節節冲擊燒燬開邊茅廠匪

勢不支紛紛潰敗擒獲生供十一名陣斬八名餘匪逃散

我軍亡勇一名傷三名十一夜股匪劉有芳率黨百餘踞

遷屬之隴朋即派隊馳往圍剿自卯至未始破匪巢砲斃

時事采新彙選 第五卷 壬寅七月廿三日刊

劉逆殲匪十餘名奪獲快槍念餘枝碼二千餘顆陣亡勇

一名傷一名幸將正股盡平差好憲厘餘容續稟卑府國

璠稟東 昨又由友人抄示南海瑞觀察早粵督電一道錄下

督憲鈞鑒查宣化屬二三塘及涿口三塘一帶商民時有

被劫路久不通勇字營向拿倘獲猪一二得馬一二從未

獲生供霖先年原聞有蒙同興家茂業林不卿在各塘倚

團總欺民被控多案縣押後釋今復密查與其子姪一秀

亞秀三秀同惡倍前結養痞盜害民劫客人所共見畏言

霖駐紮四塘各塘村民指控劫殺有案合與訪查相符江

派安勇百人給諭往留舊村老巢誘捕柯柵堅塢層層砲

眼支晨誑蒙子一秀出柵匪先由內砲斃安勇隨出隊爲
犯又傷安雁數名我軍奮力上前人槍併獲十四斬二級
我軍人少不敵即分頭圍村調添熙字安勇三百攻破內
柵匪二三百混戰數時三軍斬級二十餘斃匪數名生擒
二十餘我軍傷亡三十餘名起出軍裝火藥二大桶奪抬
槍等二十餘犯解縣餘匪雖逃近數日各塘商旅千衆一
無劫案獲犯有供蒙同興等久在文武衙門上下蒙蔽云
云輒道霖另稟詳陳刪

昨又得南甯府惠守早粵省電一道照錄於下

督憲鈞鑒卑府率仁字全營會同潘鍾軍所派朱劉兩管
帶挑選虎勇四百名於十六馳抵武緣縣屬米花坪查得
時事采新彙選第五卷 一 壬寅七月廿三日刊

匪首滕正宜李培祥李慶春武屬匪首周治歧黃特園等
率黨數百人十二劫良墟擄去婦女三十餘口殺趁墟人
人三十餘名十四過葛墟屍婦女四名村練接仗砲斃二
匪該股退入山巢饒阮逢源營等老穴十七黎明卑府取
運葛墟虎勇由米花坪逕進兩路夾攻越嶺數十重始進
巢沿路遍插竹針人馬均難前進虎軍先至匪已出巢仁
勇隨到奮力攻擊相持數時之久匪且戰且退越嶺逃竄
因天色已晚山徑不熟且自寅至申士民飢疲未便窮追
收隊回葛墟是役斃匪約三十餘名生擒潘明澄潘大全
二名父魏令訊明正法虎勇受傷十二名陣亡一名次早
率隊搜山匪已遠逸現已收隊回城容再妥籌辦法另宣

稟報卑府惠守謹稟

昨又得潘鎮瀛六月二十四日由南甯呈粵督電一道照
錄於下

督憲鈞鑒昨稟復洽電諒登鈞寬職鎮武營後探悉恩
府屬武緣縣之上江等處股匪盤踞阮蓬源營山巢時出
擄劫商道府即選卑部精銳督同惠守帶勇疾趨剿辦
查賊巢在叢山之中賊子沿路遍布寸許竹刃并於山陬
路口節節置罟設伏我軍用捲簾進隊法先令勇鋪竹刃
步步奮力前攻賊已失險官軍乘勝直抵賊巢賊始潰遁
官軍自寅時吃飯入山戰至黃昏人皆飢倦故未窮追越
晨匪散無踪始回郡城此役計毀巢穴調卡十餘處擊斃
時事采新彙選第五卷 三 壬寅七月廿三日刊

匪斃數十名生擒悍賊兩名奪獲棉梯十餘件卑部陣亡
勇丁一名受傷十二名餘詳惠守電中理合電稟憲核職
鎮瀛謹稟

粵函云官場于上月二十八日接廣西永清電云馬盛治
剿賊陣亡查因探悉黨首黃利順滕雲高李八黃五肥關
運培甘大明等股廣聚武緣縣屬馬安山內三更等處馬
鎮時在隆安縣境聞報即派所部分路進剿相距有二三
十里及敗生者十八日馬鎮率親軍由山內察看賊勢回
至馬安山下擬歇息造飯適見山脚離懶村砲樓堅固內
伏多人即率隊攻入賊柵彈發如雨弁勇多有傷亡馬鎮
左手被彈中傷仍督勇奮進厲聲呼戰適彈又中右肋倒